

**Office of the Superintendent**

Dr. Vickie L. Cartwright, Superintendent of Schools
600 Southeast Third Avenue
Fort Lauderdale, Florida 33301
phone: 754-321-2600 • fax: 754-321-2701
supt_cartwright@browardschools.com
browardschools.com

The School Board of Broward County, Florida

Laurie Rich Levinson, Chair
Patricia Good, Vice Chair

Lori Alhadoff
Daniel P. Fogahholi
Debra Hixon
Donna P. Korn
Sarah Leonardi
Ann Murray
Nora Rupert

4 me 2022

Elèv Klas Douzyèm Ane k'ap Diplome, Paran/Responsab:

Gradyasyon ayeskoul se yon evènman enpòtan nan lavi elèv, paran, ak fanmi. Se yon opòtinite pou selebre akonplisman ak reyalizasyon akademik elèv-yo. Seremoni gradyasyon òganize yon fason k'ap kite nan nou-menm souvni ak enpresyon lavi diran. Nou bezwen èd ou pou fè seremoni remiz diplòm pitit ou dewoule nan yon anbyans diyite e respè.

Direktè ak estaf lekòl pitit ou pase yon tan konsiderab ap plannifye epi òganize seremoni remiz diplòm la. Li enpòtan anpil pou patisipan k'ap diplome ak moun ki preznan diran seremoni a kondwiyo demannyè poli e koutwa. Seremoni gradyasyon an se yon evènman solanel, epi ki ekzije asistans-la konpòte I byen epi respekte règ lizay. Pou asire seremoni gradyasyon lekòl pitit ou dewoule avèk diyite, nou atann aske elèv ak paran respekte règ dekowòm epitou respekte prensip règ byenseyans:

Fanmi ak Envite

- Poulemoman, nou pap ekzije fanmi ak envite mete mask, kachnen/pwoteksyon figi pou antre nan sal gradyasyon epi diran seremoni a. Natirèlman, nou ka pote modifikasyon si se nesesè.
- Teni ki konvnab e ki rekondamande (egzanp abiye an teni de vil).
- Nou pèmèt moun nan asistans-la itilize kamera san flach oswa kameravideyo pòtatif depi moun sila pa kite plas-yo epi respekte dwa asistans-la pou gade seremoni a san deranjman initil. Diran seremoni gradyasyon an, nou pap pèmèt fotografri ak flach epi videyotep nan pozisyon kanpe. Lekòl pitit ou kapab anboche yon fotograf pwofesyonnèl ak yon espesyalis videyo pou filme seremoni a. Kontakte ofis direktè lekòl la si ou bezwen enfòmasyon konsènan acha foto souvni seremoni gradyasyon oswa videyo gradyasyon an.
- Diran seremoni diplòm la, swiv enstriksyon direktè lekòl la bay pou aplodisman ak rekonesans.
- Tout bagay ki pwodi yon son, *air horns* (tankou yon klakson) oswa siflèt, entèdi, nan kote seremoni gradyasyon an ap dewoule, epi izaj-yo entèdi fòmèlman.
- Voye anlè balon plaj (beach balls), blad ak balon, oswa lòt bagay similè, entèdi, pandan seremoni gradyasyon an ap dewoule.
- Pinga lanse konfeti pandan seremoni gradyasyon an ap dewoule.
- Pwogram gradyasyon an va deziye tout moun ki otorize pwononse alokisyon ak diskou pou adrese asistans-la ak elèv-yo k'ap diplome. Okenn moun pa ka pale devan asistans-la san yon pèmisyon ak otorizasyon espesyal de direktè lekòl la.



- Tout seremoni gradyasyon ap konmanse alè epi atan; kifè, tout paran ak envite ta dwe rive nan sal oswa kote seremoni gradyasyon an va dewoule, anvan seremoni-a kònmanse. Pou moun ki rive anreta, yo kapab al chita sèlman apre fen *presentation of colors* (seremoni drapo) epi apre chan im nasyonnal. Ou ka admèt ansanm ak nou gen milye envite k'ap asiste seremoni remiz diplòm-la poutètsa fè tout efò posib pou vin alè.

Elèv k'ap diplome

- Poulemoman, nou pap ekzije elèv k'ap diplome mete mask, kachnen/pwoteksyon figi pou antre nan sal gradyasyon an epi diran seremoni a.
- N'ap fè elèv-yo chonje yo dwe gen bon kondwit epi pran responsabilite-yo diran seremoni gradyasyon ak lè gen repetisyon. Elèv-yo dwe respekte règ ak regleman ki esplike nan Liv Kòd Kondwit pou Elèv, klas segondè, Secondary Code of Student Conduct.
- Elèv-yo dwe swiv potokòl pwosedi epi orè presi ak kalandriye chak evènman jan sa fikse epi revize diran repetisyon pou seremoni a.
- Elèv-yo dwe kenbe sou tèt yo touttan caps-yo.
- Elèv-yo dwe rekonèt enpòtans seremoni remiz diplòm, ankonsekans abiye kòrèkteman e yon fason prezantab.
- Pwogram gradyasyon an va deziye tout elèv ki otorize adrese lòt elèv-yo k'ap diplome ak klas-la. Okenn elèv pa gen dwa pale devan asistans-la san yon pèmisyon ak otorizasyon espesyal de direktye lekòl la.
- Tout bagay ki pwodi yon son, *air horns* (tankou yon klakson) oswa siflèt, entèdi, nan kote seremoni gradyasyon an ap dewoule, epi izaj-yo entèdi fòmèlman.
- Voye anlè balon plaj (beach balls), blad ak balon, oswa lòt bagay similè, entèdi, pandan seremoni gradyasyon an ap dewoule.
- Pinga lanse konfeti pandan seremoni gradyasyon an ap dewoule.

Nou mande tout elèv, paran ak envite kondwi tèt-yo demannyè respektab epi koutwa. Si kèk elèv ak patisipan gen yon konpòtman oswa kondwit ki pa aseptab epi ki twouble lòd diran seremoni gradyasyon an, sekirite va eskòte-yo epi mete deyò nan sal-la. Pou rekonnèt enpòtans dekowòm ak règ byenseyans epi politès diran seremoni gradyasyon, **tanpri siyen epi retounen lèt-sa-a bay direktè lekòl pitit ou.**

Non Elèv-la

Mwen ateste mwen resevwa lèt sa
Paran oswa Responsab Legal

Non Lekòl la

Sensèman,

 Dr. Vickie L. Cartwright
 Superintendent of Schools

VLC/VSW/SC:sw